



*Saurowski Stanisłai Michaëlis. Propugnaculum for-  
tissimum orbis Christiani in d. Andree Apostola.*

PANEG. et VITAE  
Polon. Fol.  
№ 320



PROPVGNACVLVM  
FORTISSIMVM

Orbis Christiani,

f x

D. ANDREA  
APOSTOLO,

Crucem in manibus gestante,

deuoti cultûs opere

EXHIBITVM,

E T

ILLVSTRI, MAGNIFICO, ac GENEROSO DOMINO,

D. ANDREÆ  
DE GORYNINO

GORYNSKI.

Domino, & Mecænati suo amplissimo,  
Recurrente Patroni ipsius annuâ festiuitate.

A

STANISLAO MICHAELE SZVROWSKI,  
*Artium Liberalium, & Philosophiæ in Alma Academia Cracouiensi*  
*Baccalaureo.*

Gratulationis, & submissæ Venerationis ergò  
Applausu Solenni

DEDICATVM.

Anno Domini 1688. Die 30. Nouembris.

l. l.

SS.

CRAC: Typ. NICOLAI ALEXANDRI SCHEDEL, S. R. M. Ord: Typogr.

Biblioteka Jagiellońska



stdr0001674



In Gentilitium Stemma.

ILLVSTRISSIMÆ DOMVS,  
G O R Y N I A N Æ,



GORYNIANA Domus roseo quæ Stemmata gaudet.

Et quæ purpurei symbola floris amat.

Quæ hinc hoc insigne decus, roseosq; nitores

Tot meritis, quibus hæc gratia iusta data est.

Sanguineas acies Martis cum fuderit; inde

Hæc ROSA profuso sanguine tincta rubet.

Illustr: & Magnificæ Dominationis Vestræ

Obsequentissimus Filius, & Client,

IOSEPHVS GORYNSKI, Gram: Alumnus.

PRO-



PROPUGNACVLVM  
FORTISSIMVM  
Orbis Christiani.

Contra funesta, cruentaq; sæuientis Martis, Bellonæq; excidia,  
*Contra immanem Othomanica potentie mucronem,*

Quis

Athlantis, Herculisuè non assumet Vires?

Quis inquam

Christiano Orbí,

Inter tot aduersarum procellas,

*Inter Syrtis, & Charybdes nauiganti*  
suppetias non feret?

Eidemq;

In propugnaculum fortissimum;

*Plus quàm Cecropiâ non assurget Acrocorintho.*

Nam

Nil prodest Clypeorum munimentum, quod primi

Pretus, & Acrisius inter se bellantes antemurale

Corporum subijisse feruntur:

*Nil prodest Scutum Macedonis Alexandri.*

Nil prodest Clypeus Scæuæ, quo vsus pro Iulio

Cæsare contra Pompeium, centum triginta ictibus  
maior triumphauit, dum gloriose cecidit.

Ades Tv nobis

D. A N D R E A  
A P O S T O L E

Propugnaculum fortissimum,

A 2

Quia



Quia

*In manibus Crucem gestas.*

Tu es

Scutum inexpugnabile,

Et

*Turris, de qua mille Clypei pendent, in Propugnaculum Christianorum.*

Cùm hæc Sancta, & speciosa Crux

In

*Martium prolata campum, dum fortitudine irritat, Simul territat hostes.*

Hæc

*Sæuas, rabidasq; Othomanorum legiones, aut dispelit, aut funditis profligat.*

Hæc

*Contegens, & protegens Lechiam, iuuatur & armat.*

Et armans, ornansq; Sarmaticos campos, fert in tutela decus.

Hæc

*Constantino Magno in æthere apparuit lucidissima, his consignata verbis.*

In hoc signo Vinces.

*Leuauit Clypeum hunc, & momento vicit, qui solem stare olim iusserat Iosue, leuans in figura Crucem, ut iam tùm vel in sola ipsius vmbra hostium triumpharet.*

Ergò

*Qui triumphare vis, flecte genu, lignumq; Crucis venerabile adora.*

Istius Crucis suauitate ductus

Tu

D. A N D R E A  
A P O S T O L E.

*Mundanas deliciarum illecebras, & omnia quæ sunt transitoria, quotidianaq; subiacent mutationi spreuisti.*

Reli

Reliquisti omnia.

*Qui totâ nocte laborans nihil cepisti, imò*

Tu captus es à Supremo Piscatore DEO, & non alio quopiam reti, quàm illo

Sequere me,

*Faciam te piscatorem hominum, Iam amplius non pisces, verùm homines piscaberis.*

Et iam piscator factus es.

Dum

*Scythas in Europa, Græcos, Thraces, Macedones, Thesalios, Epyrum, Achaïam,*

Totq; Gentes alias, aureo oris facundi hamo piscatus es. Et illis notitiam veri Dei in carne Crucifixi intulisti.

Tu

*Fratrem, Principem Apostolorum, ut genere viuendi Apostolico;*

*ita & moriendi imitatus es,*

Sed, quid inquam Fratrem?

imò,

*Ipsum Saluatorem mundi, Magistrum Tuum,*

Qui

*Salutem humanam in Cruce operatus est.*

Quæ Crux

*Tanta dulcedinis, & suauitatis Tibi fuit,*

Vt

*Iam ascensurus eam, his eandem exosculando allocutus fueris verbis:*

*Salve Crux pretiosa diu desiderata, sollicitè amata, sine intermissione quasita, & aliquando cupienti animo preparata; suscipe me ab hominibus, & redde me Magistro meo.*

Ascendisti Crucem

*Et de illa, velut de aliqua Cathedra, verba ad populum faciens, Cum Simeone iam dimitti cupiens, Cygneum quia ultimum cecinisti melos, felix utiq; & inuictus Christi bellator.*

Quia in Cruce triumphans.

B

Debet



Debet Tibi Propugnatori honoris fui,  
Et Augustissima Cælorum Regina Deipara Virgo, purissimæ Con-  
ceptionis suæ antemurale inuictum, cum pro ea magno illo oraculo,

Ab Ecclesia Dei recepto,  
Verè ANDREAS heroicè, & viriliter certaueris;  
cum dixisti:

*Quomodo de immaculata terra factus fuerat homo primus. Ne-  
cessarium fuit, ut de Immaculata Virgine natus Christus, vi-  
tam æternam, quam omnes perdididerant, repararet.*

Adest & Tibi

ILLVSTRIS, MAGNIFICE, ac GENEROSE DOMINE

D. A N D R E A

G O R Y N S K I.

S. ANDREAS APOSTOLVS

Fortissimum propugnaculum,

Dum

Nomen illius in terris nactus; illius tam fortunato Patrocinio gaudes

Adest

Vernantibus Illustri Familix Tuæ semper delicijs.

Amænissimo ROSÆ Tuæ Viridario.

Hæc Tua Gentilitia. ROSA.

Sarmatico Orbi

A tot sæculis suauissimè fragrans, non tantùm ut reficeret  
odore Patriam; sed etiam ut pungeret spinis  
hostes, pariter florida fuit, & inuicta.

Numerat ætates diurnas, numerat & Heroes Magnos;  
*quorum Nomina Cælo inscripta & æternitati donata,*

maiora sunt quouis ingenio quamuis Rosas  
de illis loquatur.

Suffecerunt Maiores Tui omni gloriæ,

Suffecerunt magnis meritis, & honoribus,

Quibus

Tot fuere illustria facta,

*Quot Rosas Hymettus, & Pastana Viridaria protulerunt.*

Heroica aliorum Nomina ut omitam,

*Satis excellentia, & magnitudinis est,*

Vel in solo

ILLVSTRI olim Avo Tuo

Qui celsitudine animi, Virtutum splendore;

*fidei, & integritatis firmamento,*

Patriæ murus Acheneus fieri meruit.

Transfusa ab eo in ILLVSTREM Parentem TVVM

Magni Nominis sumitas, fecit rebus Sarmaticis

Heròem illum,

Qui magnitudine animi inuicta, murus, & antemurale

Patriæ nihil gloriosius habuit, quàm hostilibus  
armis objici; & saluâ Patriâ impetus omnes sustinere.

Quippè

Nullam ætatem inuenies, quæ Magnorum PORAIORVM  
non testetur ætatem inter belli, pacisq; decora illustrem,

Sed

*Vernans semper immortalis gloriæ splendore,*

Coronata Patriæ dedit propugnacula.

Quibus ego minimè ero iniurius,

*Si illas Diuas Mentes; quas iam ingens Virtutis specimen  
æternitatis inulit viretis.*

Et quæ iam post exantlatos vitæ labores,

*Sacrâ pridem fruuntur requie;*

Ad Heliconis haud prouocauero umbras.

Cùm

In TE ILLVSTRIS MAGNIFICE, ac GENEROSE DOMINE

D. A N D R E A

G O R Y N S K I,

Earundem Fama, & Nomina conspiciantur.

Excelsa quoque Mens TVA Magno par Sanguini:

*Culturâ ingenij morumq; politissimis doctibus exquisitè instructa.*

Tot Maiorum incitamenta, tot authoramenta gloriæ;

ed assurgere fecit;

*quò Tibi tot Heroum anima, traductis per summa,*

*omnia vestigijs prauire,*

Tu iam

Omnem ILLVSTRIS Familix Tuæ adimpleres mensuram:



Quæ Tibi

Honorum dignitatumq; augustalia pandit, infallibili spe  
in amplissimis Reip. subfellijs,

Gentilitias ROSAS Tuas collocatura

*In quibus olim amantissimè Maiores Tui floruerunt.*

Floret

ROSA flos, odorq; Diuûm, ROSA Calitum voluptas  
folijs ROSA decoris.

Lætitia veris, & ornamentum, pulchritudo coruscans,  
& perenne Gratiarum decus.

Folia eius pulcherrima,

Spargit odores hæc Tua ROSA, per tot areolas,

*In Horto Orbis Sarmatici plantata, viuacior;*

Irrigata purpureo Maiorum Tuorum imbre.

Hic ille sanguineus imber,

Qui per tot Mauortios campos florere Maiorum Tuorum trophæa,  
& purpurascere fecit.

Tibi quoq;

*Non vnâ tot inter hostes Patriæ sanguineam belli  
parauit purpuram.*

Cum in illo ingentium bellorum theatro, regnante Polonis Re-  
gum fortissimo

IOANNE CASIMIRO.

Sub Magnis Potoccijs Ducibus.

*Et inter tot Achilles Sarmatæ,*

Tu quoq; Colluuiem illam Boristhenicam,

*Cosacicos, & Scythicos molossos fortissimè decertans,  
laureas sanguine hostili tinctas retulisti.*

Quam fortis, & strenuus in opere belli.

*Tam humanus, liberalis, & graciosus omnibus in negotio pacis,  
animo pietatis plenissimo, quæ DEO soli nota,  
cum in seruis DEI quoq; redundet.*

Sacræ munificentæ in Religiosas Familias, & in egenorum necessi-  
tates, nec non miræ in subditos clementiæ,

Deo gratissimas spargit ROSAS.

Spar-

Spargit non degenerem Odorem

ROSA TVA.

Magnæ spei, & expectationis Carissimus FILIVS,

I O S E P H V S,

Dum

In Florentissimo Orbis Sarmatici Viridario,  
scilicet,

In Alma Vniuersitate Cracouiensi,  
Fragrantissima studiorum, Virtutumq; colligit  
incrementa.

Perfunditur illius fragrantissimo Virtutum odoramine,  
Religiosissimus, & Admodum Reuerendus Pater

F E L I C I A N V S

R A K O W S K I.

Sac: Th. Doctor, Regens Lublinensis, Ordinis Minorum,  
S. FRANCISCI Conuentualium,

Auunculus eius;

Adeò,

Vt futuri ex eo Tui solatij,  
*non vanum concipiat augurium,*

Quin

In desideratos Totius ILLVSTRIS Familiæ  
non excreseat fructus.

*Et Tuae non satisfaciatur expectationi.*

Et iam pone moram penna

Cum sis tantis Heroum Virtutibus impar,

Quas

*potius venerari, quam illas laudum præconijs  
celebrare fas est.*

Ergò accipe

ILLVSTRIS, Magnifice ac Generose Domine  
Propugnaculum fortissimum.

S. AN-



S. A N D R E A M  
A P O S T O L V M.  
Patronum Tuum

*In gratulatorium argumentum, et debium à me gratitudinis,  
et obseruantie pignus.*

Insufficiens quidem hic conatus meus;  
Sed illi gratiam ROSÆ TVÆ fragrantia dabit.  
Sub hac ROSA floreas sæculis omnibus,

Ecclesiæ, & Patriæ bono,

Magnoq; sanguinis Tui Coronamento,

Sitq;

Meritorum Tuorum gloria,

*semper in flore, semper in auge.*

Contra aduersam verò fortunam

Sit Tibi

F O R T I S S I M V M

DEO benedicente,

S. ANDREAS APOSTOLVS

Patronus Tuus,

PROPVGNACVLVM



*7. XXII. II*



